

國家圖書館古籍文獻叢刊

宋

藏

遺

珍

陸

全國圖書館文獻  
縮微復制中心



雙峯山曹侯溪寶林傳



魏王元帝集卷之四




王子從德號能仁瞿曇之

少

而改立梵語釋迦文唐言能仁者  
刹有利益謚之刹刹王復案普曜  
經云佛初生刹刹王家放大智之光  
明照十方之世界地湧金蓮花自然  
捧足東西及南北各行於七步分手

以上缺三紙





指天地作師子吼聲上下及四維無  
能尊我者後至昭王四十二年涖離  
之歲二月八日太子年登十九欲求  
出家而自念言當復何遇即於四門  
游觀見四等事心有悲喜而作思惟  
此老病死終可厭離唯有迦葉波羅  
提佛末教弟子是真歸處既思念已  
而作是言我求於出家必應有所契



父王大慈造必應聽許我今時太子  
志求出家父王愛念而當不許是時  
父王勅諸伎樂悅樂太子太子不樂  
復於分子時有一天人名曰淨居於  
牕牖中叉手白太子言出家當至時  
可去矣時可去矣太子聞此語已心  
生歡喜即念命車匿索馬四神捧足  
踰城而去今時太子當自念言夫出



家者心行哀慙具大慈悲當行敬順  
不損於物若不留一馬跡王必罪於  
門者即於城西北角留一馬跡知騰  
空而去今時太子後往檀持山中修  
道此山有其五峯名字復復各有異中  
心取高之者號曰彌樓寶山此山出  
其皓玉譯名那爛雪陀復名中象頭







身三者煞盜姪口四者兩舌惡口忘  
言綺語意三者嫉妒恚此十事不順  
聖道而名十惡太業若解悔之而歸  
至理十善行耳佛言人有衆過而不  
自悔頓息威容諸惡生已罪來起身  
如水歸海自成深廣何能免離若人  
有惡自解知非改過得善罪自消滅



如病得汗漸有痊損耳佛言愚人聞  
善者善之故惡來撓亂汝自禁息當  
無嗔責彼自惡者而惡之有人聞吾  
守道行大慈悲惡者來往故致罵佛  
佛默不對愆之癡冥罵止問日子以  
禮從人其人不納禮歸子乎今子罵  
我我亦不納子自持禍歸子身矣猶  
響音應聲影之追形終無免離慎勿爲



惡也

佛言惡人害賢者猶如仰天唾唾不  
至天公還從已身墮逆風揚惡不能  
汙上人賢者不可毀禍必降凶身

佛言夫人爲博愛道必難會守志奉  
道其道甚大覩人施道助之歡喜重  
加福報人天善利 佛言猶如炬火  
數千百輝洞見諸像道亦如之 佛言



飯惡人百不如飯一善人飯善人千  
不如飯一持五戒者飯持五戒者萬  
不如飯一須陀洹飯百萬須陀洹不  
如飯一斯陀含飯千萬斯陀含不如  
飯一阿那含飯一億阿那含不如飯  
一阿羅漢飯十億阿羅漢不如飯一  
辟支佛飯百億辟支佛不如飯一三



世諸佛飯千億三世諸佛不如飯無  
念無住無修無證之者 佛言天下  
有二十難貧窮布施難豪貴學道難  
判命不死難得覩佛經難生值佛世  
難忍色忍欲難見好不求難被辱不  
嗔難有勢不臨難觸事無心難廣學  
博究難除人滅我難不輕末學難心  
行平等難不說是非難會善知識難



見性學道難覩境不動難善解方便  
難隨化度人難有一沙門問佛以何  
因緣得知宿命會其志道明見諸有  
佛言道無形相知之何益要當守志  
如摩鏡師精心用意而得塵盡垢去  
明存即自見形如覩諸有斷欲無求  
當得宿命有比丘問佛何者為善何  
者取大佛言行道守真者善志與道



合者大有沙門問佛何者多力何者  
寂明佛言忍辱多力不壞惡故兼加  
安健忍者無惡必為人尊欲寂明者  
心垢除滅盡清淨無瑕穢未有天地  
逮于今日十方所有未嘗不見無有  
不明無有不知無有不聞得一切智  
可謂明乎佛言人懷愛欲不見道者



譬如濁水致力攪之衆共臨水上無  
能覩見形影者爲愛欲交錯心中興  
濁故不見道若人漸解懺悔來近知  
識水澄穢除清淨無垢即自見性耳  
佛言夫爲道者譬如持炬入冥室中  
其冥即滅而明猶存學道見諦無不  
明矣佛言吾法念無念念行無行行  
言無言言修無修修會者近尔迷者



遠乎言語道斷非物所拘老之豪麓  
倏忽須臾佛言覩天地念非常覩世  
界念非常覩靈覺即菩提如是心識  
得道疾矣佛言孰自念身中四大各  
自有名都爲我故我旣不起其如幻  
耳佛言人之隨情欲求聲名名之顯  
照身之故耳身雖故已而受諸惡名  
之顯已世之常名而不學道枉用功



勞譬如燒香雖人間香香自燼矣危  
身之火悔之在後佛言財色於人人  
之不捨譬刀刃有蜜不足一食之食  
小兒舐之有害舌之患也佛言人  
繫於妻子士寶舍宅之患其甚牢獄  
牢獄有散適之丈妻子無合覓之理  
情欲所愛於色豈憚驅驅雖有虎口



之禍心存甘伏投泥自溺故曰凡夫  
透得此門出塵羅漢 佛言愛欲莫  
同色若二同者孰爲道人 佛言愛  
欲人猶如執炬逆風而行貪色興欲  
而有損乎不順天道而必燒手也天  
神獻玉女於佛欲以試佛觀佛道意  
而定遐邇通佛草囊衆穢尔來何爲以  
可斯俗難動六情去吾不用汝天神



踰敬內問道意佛爲解說即得須陀洹果

佛言夫爲道者猶若木在於水尋流而行不觸兩岸不爲人取不令鬼神所遮不爲波浪所住亦不腐敗吾保其此木決定入海矣人爲道者不爲欲情所惑不爲衆邪所撓精進無疑吾保此人得其道矣 佛告學道者



慎無信汝意意終不可信慎勿與色  
會色會即禍生當得阿羅漢乃不可  
信汝意 佛告諸弟子慎勿視女人  
亦莫共言語身得無上乘視語都無  
汚視色無色想對欲無欲意蓮花不  
著水清淨超於彼老者父母想中屬  
如親屬稚者如子孫幼者如兄姊妹



一度一切衆見世得出世若依如是  
解無錢亦富貴 佛言人爲道故當  
捨情欲如彼乾草火來須避道人見  
欲必當遠之佛言有人患姪不止踞  
斧刃上以自除其陰佛謂之曰若斷  
其陰不如斷心心爲功曹若止功曹  
從者都息邪心不止斷陰何益斯須  
即死佛言世俗倒見不善吾理如此



癡人殘形損質斷聖味故未可會道  
佛為偈曰欲生知汝意意以思想生  
二心各寂靜非色亦非行佛言此偈  
是迦葉佛說流在世間

佛言人從愛生愛從憂生憂從怖生  
若離於愛何憂何怖 佛言人為修  
道譬如一人與萬人戰挂鎧排兵出  
門欲戰意復怯弱畏生死魔乃自怕



怖或半路而還或格鬪而死或得大  
勝負還國高遷若人能堅持其心精  
進勇銳不或前境滅盡陰魔不久得  
道矣 有沙門夜誦迦葉遺教經其  
聲悲緊欲悔思反佛勅問之汝處于  
家昔爲何業對曰愛彈琴佛言絃緩  
如何對曰不鳴矣絃急如何對曰聲



絕矣急緩得中如何對曰諸音普矣  
佛告沙門學道亦然心須調適道可  
得矣佛言夫人爲道者猶如鍛鐵去  
戾成精器必好也學道之人先去垢  
染行自精細於道若累累即身疲其  
身若疲意即生惱其意生惱行即退  
矣其行旣退罪必加矣但清淨安樂  
不失道矣



佛言夫人離三惡道得為人難既得  
為人去女即男難既得為男六情見  
具難六情既具生中國難既處中國  
值諸佛難既值佛已遇道者難既遇  
道者興信心難既興信心發菩提難  
既發菩提無修證難 佛問諸沙門  
人命在幾間對曰在數日間佛言子  
未能為道復問一沙門人命在幾間



對曰在飯食間佛言子未能為道復  
問一沙門人命在幾間對曰呼噏間  
佛言善哉善哉可謂道者矣 佛言  
佛子去離吾數千里憶念吾戒必得  
道果在吾左右日常覩見心無思慕  
終不得道如不䟽敬仰及無懈怠即  
得聖位當聖道場佛言若有人得道



猶如食蜜中邊皆甜吾經亦爾佛言  
爲道人者佛所言說皆信順故能伏  
愛欲之根不起三業當行佛道示三  
昧果決得勝處佛言諸沙門行道當  
如磨牛無有休息身雖行道心道不  
行心道若行何用行道佛言吾視王  
侯之位如過富客視金玉之寶如覩  
瓦礫視紬素之服如覩弊帛視大千



界如一訶子視四稱水如塗足油視  
方便門如伐寶聚視無上乘如夢金  
日視求佛道如眼前花視求禪定如  
須彌柱視求涅槃如晝夕寤視倒正  
者如六龍舞視平等如真一地視興  
化者如四時木如上四十二章早經至  
此土時當後漢第二主孝明帝永平  
七年乙丑之歲正月十五日夜夢金



寶林傳卷第一

第十五張

泰字號

人身長丈六紫磨金色頂有圓光赫奕如日來詣殿前帝乃驚異詔群臣問曰此為何瑞是何神人也時有通人蘇攸傳毅及扈多與蔡惛等對曰天竺有得道者號之曰佛不言而自信不治而不亂也巍巍乎獨出三界之外飛行自在無人能名焉此聖者



滅後一千年外有教當被此土陛下  
所夢將必是乎帝乃上寤即遣羽林  
中郎秦景博士王遵等一十四人迎  
佛教至大月氏國躡遇摩騰竺法蘭  
二菩薩僧以白氍毹畫釋迦像并四十  
二章經載以白馬及修多羅等教至  
永平十年戊辰之歲十二月三十日  
摩騰達于雒陽明晨竺法蘭至自茲



已降龕塔相望神人接踵道法流布處  
處崇立遠人伏化願爲臣妾者不可  
稱數遂得國雒清休含靈該潤皆賴  
蒙恩聖澤代代不絕矣此經梵書一  
十九葉即竺法蘭翻會梵音覽者  
細披詳之而定參省也  
度衆付法章涅縣品第三  
今時世尊說此經已復度諸衆而爲



說法時阿難白佛請度波闍波提毗  
舍佉母等出家佛告阿難我正法住  
世滿足千祀汝今請我度諸女人令  
我正法當滅五百佛告阿難波闍波  
提等能行八敬不波闍波提請為白  
世尊聽我出家依佛教勅當行八敬  
阿難如上白佛佛告阿難及諸大眾



夫女人出家能行八敬無有缺犯於  
我正法而得千載既受佛勅即令蒙  
須臾女衆而出家者有千二百人俱  
合掌瞻佛而讚偈曰世尊大慈造度  
我等出家女人五障身得遇佛解脫  
說此偈已生歡喜心佛放眉間白豪  
照于座前諸菩薩衆咸皆欣慶瞻仰  
尊顏而說偈曰金色兩足尊德大至



無畏眉間玉豪相能照於大千芥時  
如來說五乘法而能濟度一切衆生  
宣三解脫而救諸有道德高遠非十  
翼之所詮心行處滅覺觀莫能究其  
終始永絕名言之外非稱量讚詠者  
哉大之則無邊法界小之則本覺一  
心內則包乎六合外則無壇遐域故  
經云法廣大方啓而小域一心本覺



寶林傳卷第一

第七張秦字号

苞乎大千濟拔有無潤澤含識故我  
牟尼從本原性海演大教化人靡不  
周徧廣而無大微而非小興事法則  
引諸子出於火宅談理教則非言像  
之內一統一乘性極八周洞明十界  
說法住世四十九年開般若之妙門  
灌覺道於群友五天一化大備三明



得六神通及八解脫每告弟子摩訶  
迦葉吾以清淨法眼涅槃妙心實相  
無相微妙正法將付於汝汝當護持  
并勅阿難副二傳化無令斷絕佛為  
迦葉重說偈言法本法無法無法法  
亦法今付無法時法法何曾法  
今時世尊說此偈已復告迦葉吾將  
金縷僧伽梨衣轉付於汝傳授補處



至五十七俱胝六十百千歲慈氏佛  
出世勿令其朽壞尔時迦葉聞佛偈  
已頭面禮足頂出真光照二足尊如  
金山聚尔時迦葉躬諾歎曰善哉善  
哉願為勿慮我當依勅敬順佛故  
尔時世尊至拘尸那城告諸大眾吾  
今背痛欲入涅槃即往熙連河側娑  
羅雙樹下右脇壘足泊然宴寂瞿那



慟哭八部傷情再從棺起爲母說法  
大地及日月時至皆歸盡未曾有一  
事不被無常吞假使妙高山劫盡皆  
散壞譬如群宿鳥夜聚旦隨飛死去  
別親知怪離亦如是特現雙足化示  
婆耆并說無常以偈報曰諸行無常  
是生滅法生滅滅已寂滅爲樂說此偈



已放大光明照耀天地降下金身處  
涅槃樂時諸弟子即以香薪覓茶毗  
之此火燼後金棺如故今時大衆即  
於佛前以偈讚曰凡俗諸猛熾何能  
致火爇請尊三昧火闍維金色身  
今時金棺從座而舉高七多羅樹往  
返空中化火三昧須臾食頃灰生四  
樹收得舍利八斛四斗帝釋告請而



得一牙海神興伐天使而失盜牙而  
起寶塔以三十二相全身建八萬四  
千之窳堵自世尊滅時即當此土周  
穆王五十二年壬申之歲二月十五  
日自世尊滅度後一千一十七年方  
至此漢土即永平十年戊辰歲矣賴  
我皇王霸善國界永清遂得天人戴  
仰神龍恭敬矣



第一祖大迦葉章結集品第四

第一祖大迦葉者摩揭國人也姓婆  
羅門父名飲澤母字香志昔緣所追  
而爲金銀善明金性而使柔伏有一  
貧女游行乞丐得一金珠內懷歡喜  
意欲爲薄補治像面付法傳云久遠  
劫中毗婆尸佛入涅槃後四衆造塔



塔中有如來像面上金色有少缺壞  
時此貧女將此金珠往金師所而請  
修薄擬飾像面是時金師修治金訖  
因共願言願我二人爲無姻夫妻身  
具金色由是因緣九十一劫身具金  
色後生梵天彼天壽盡生中天摩揭  
國婆羅門家名曰迦葉波此云飲光勝  
身具金色光明赫奕照一由旬映奪



諸光悉不復現故云飲光亦名金勝  
復號婆耆耆妻亦金色雖爲貴如誓不  
相觸深厭諸有欲求出家澤志聽許  
便投世尊發弘誓願上法受戒清貞  
守素無愛無欲常行頭陀世尊在日  
命坐付衣常於衆中稱歎第一小時  
世尊未涅槃時每告弟子摩訶迦葉  
吾以清淨法眼涅槃妙心實相無相



微妙正法將付於汝汝可流布無令  
斷絕迦葉敬諾唯然受教沮解經云  
今時世尊欲沮解時迦葉不在衆會  
佛告諸大弟子迦葉來時可令宣暢  
正法眼藏并勅阿難與共傳化今時  
摩訶迦葉在耆闍崛山賓鉢羅窟覩  
勝光明大地震動即入三昧以淨天



眼觀見世尊於熙連河側入涅槃全身捨壽迦葉從定而起慘然不悅乃告徒曰如來涅槃也何期駛哉嗚呼正法眼滅世間空虛即領眷屬前後圍繞向拘尸那城至雙林樹間悲戀號泣佛於金棺內現金色雙足具千輻輪相光明照耀猶如盛日迦葉遂再開發更以千重白紵纏大化身香



油注滿金棺之內。栴檀沈水。積爇茶毗。佛力威神。內外白。執衣而無有損。尔時摩訶迦葉。告諸比丘。佛已荼毗。金剛舍利。非我等事。何以故。自有國王大臣長者居士。樂取勝福田者。自當供養我等。宜當結集法眼。無令斷絕。爲未來世作大照明。紹光正法。尔時迦葉作大神通往須彌頂。而說偈言。



如來弟子且莫沮慙得神通者當赴  
結集說是偈已即擊撾銅撾銅之中  
而傳此偈聲徧三千大千世界得神  
通者其數四百九十有九悉集王舍  
城耆闍崛山賓鉢羅窟亦云七葉巖  
矣今時阿難爲漏未盡不得入會當  
自念言我事如來亦無缺犯自爲有



漏不及衆數思惟是已曉夜經行明  
相出時身體疲極亞臥之次頭未至  
枕得證阿羅漢果心生歡喜即往窟  
鉢羅窟擊其石門今時迦葉在於窟  
中問是何人敲我此戶答言是佛侍  
者比丘阿難迦葉語曰汝漏未盡不  
得人來阿難答言我已證無漏迦葉  
報言汝既證無漏可現神變以遣衆



疑尔時阿難即騁神通從戶鑰中入  
得在衆會添數五百阿闍世王爲結  
集主因茲國王得覽小乘之教也時  
諸比丘即從座起諮問長者大迦葉  
於三藏中先集何藏迦葉語云當修  
多羅藏迦葉白聖衆言此阿難比丘  
多聞摠持有大智慧常隨如來梵行  
清淨所聞佛法如水傳器無有遺餘



佛所讚歎聰慧第一宜可請彼集修  
多羅藏大衆默然允之迦葉告阿難  
曰汝於今者宜宣法眼阿難躬受敬  
諾觀察聖心而說偈言 比丘諸眷  
屬離佛不莊嚴猶如虛空中衆星之  
無月說是偈已禮衆僧足即昇法座  
而說是言如是我聞一時佛住某城



某處說某經教乃至人天等作禮奉  
行時迦葉問諸比丘阿難所言不錯  
謬乎諸比丘皆曰不異世尊所說於  
是迦葉請優波離集毗尼藏次命迦  
旃延集阿毗曇雲達摩藏迦葉即入願  
智三昧觀所集法藏皆無欠少因茲  
流布而不斷絕如上去先經次律後  
論者並衣大智度論明也今時迦葉



說法化度四十五年復應思惟既集  
法竟一切皆通宣揚傳化作大善利  
度脫衆生不可稱計作是念我極年  
邁身為衰老腐爛之體甚可厭惡無  
常危敗不可依護恒為諸苦之所惱  
害誰有智者樂於此身我今宜往鷄  
足入滅盡定而候彌勒尔時迦葉告  
阿難言汝今當知昔婆伽婆欲沮解



時以大法眼付囑於我我今年朽形  
不久留今將正法付囑於汝汝善守  
護聽吾偈言法法本來法無法無非  
法何於一法中有法有不法說此偈  
已心生歡喜又作是念昔婆伽婆功  
德所勲諸舍利我當盡禮敬而歸滅  
盡定作是言已即昇虛空徧至諸處



所有塔廟盡皆禮辭禮辭已訖還王  
舍城又自念言阿闍世王本與我約  
若涅槃時必當相別遂入王城辭阿闍  
世王故經云入大夢時預別勤敬之  
士可適反也王寢不遇留言付於門  
者今奏王知云吾當往鷄足山准西  
域記云此山三峯如仰鷄足於此山  
中以草敷坐結加而已作是念言今



我此身著佛所與糞埽之衣及持僧  
伽梨等經于五十七俱胝六十百千  
歲慈氏佛出世不令其朽壞作是念  
已遂語山曰若阿闍世王與阿難來  
山當為開令其得入若歸去後復當  
還合言訖便入滅盡定應時大地六  
種震動尔時阿闍世王於睡夢中見  
殿梁折遂即驚覺時執扇之使聞奏



王知云大迦葉辭王往鷄足山欲入  
涅槃遇王殿寢未敢奏聞王聞此語  
遂生悲泣云朕何薄祐諸聖涅槃不  
一覩見即詣竹園禮阿難足借問迦葉  
所在遂命阿難同往鷄足王到山已  
山自開闢迦葉在中全身不散王乃  
勅諸力士積諸香薪欲闍維之阿難



白大王曰摩訶迦葉以定持身待於  
慈氏下生奉付僧伽梨竟方入涅槃  
如今切不可燒也王聞是說以種種  
供養心生悲戀然後禮辭定身却命  
阿難入於王舍阿闍世王與阿難纔  
出此山山合如故自婆耆入鷄足山  
時當此土姬周第八帝孝王五年丙  
辰之歲矣帝釋諸天雨諸寶花於此



山上常當供養也

婆耆德政章徵述品第五

摩訶大迦葉尊容碑

一十五徵  
并序

朝請大夫行尚書司門員外郎薌國常張遜  
聞如是須彌絕頂日宮照香積之天  
阿耨達池水輪繞金剛之地萬劫億  
劫有塵衆之如來三千大千有恒河  
沙之菩薩莫不生生積習揔十住者



謂之神念念勤修成六通者謂之聖  
皮紙骨筆大莫大乎精心腦藥髓燈  
難莫難乎練行割情捨欲禪定無雙  
戒禁律儀頭陀第一或將身以替鹿  
或委命以飼虎或迸血以投鵝或剝  
肌而代鵠或施其兩目或施以千頭  
或哆肉於夜叉或礫形於羅刹大慈



苦行不可思議佛大眷屬獨覺聖人  
摩訶大迦葉者中國言大龜氏本摩  
揭國婆羅門尼拘律陀之胤一名畢  
鉢羅亦名婆耆子產業豐厚初無係  
嗣與瓶沙王覓富唯讓一犁共摩竭  
以諍饒更逾千倍積長者之貝玉祈  
請樹神獲貧女之金珠莊嚴塔像載  
誕金光之子結成金色之妻果合前



緣深俯宿願雖爲貴偶乃無欲情勤  
苦出家勲修入道闡一乘而利物弘  
二教以化人實得他心終無我相大  
迦葉之應現也今時賓鉢羅窟藥藏  
香烟耆閣崛山竹林筭水瑞獸游集  
吉鳥和鳴雅爲習定之所正是棲禪  
之地均佛寶座對盃拂以談玄換佛  
珍衣燒象沈而請益一乘正法逾於



五歲比丘一覩真容便成八日羅漢  
啓護之禁不犯戒科畜鉢之道終無  
捨惜靜以鎮物或掩室而息言寂以  
凝神或杜口而傳意僧祇劫上初地  
小於鍼鋒剎那頃閒祥河細於毛孔  
信心易受遇緣覺而招提懽悵難馴  
對諸天而不語大迦葉之演教也早



寤非相見非非相空預覩無明覺無  
無明盡一坐搏食則持鉢周天百納  
掃衣則投針陷地或晨游棘塚四念  
經行或夜宿榛檀六時禮敬貔貅枕  
後禪心寂而莫驚虺蟒縈前戒定澄  
而不亂被毘於偷蘭之妹不以爲嫌  
受罵於販針之子不以爲辱守極貧  
極賤處其至卑至微願在萬人之下



恥居一物之上三百斛金粟棄之若  
遺塵九十劫玉顏捐之如脫屣不可  
爲而善者謂之善爲不堪忍而能忍  
者謂之能忍大迦葉之精苦也修阿  
鞞跋致獲嚴定首楞志崇饒益情規  
攝養韋陀山上備說良緣光耀林間  
對談真相被煙火爲喻去法彌傳乘  
宮殿而行躡空如實不忘貧母廣現



仁慈能度本妻克明貞信帝釋靈化  
施食充觴騎梵騰空流泉禮足給淨  
人之驅策平等無偏聞緊那羅揮琴  
安禪載竦檟有學於蘭若物我虛澡  
無欲於檀波色聲具絕八座精進並  
獲牛軒千弟子之歸依皆乘鹿輶大  
迦葉之普濟也既而大地六震驚雷



四起入定觀以思惟見人尊之善逝  
振大法鼓動百億之天人吹大法蠡  
集三千之部衆歎曰法山崩法海竭  
法槁壞法舸裂法樹摧法幢折法雲  
散法炬滅斯乃梵王二請論大而赴  
之茶毗童子一言停沮解而待迦葉  
時佛降七處化六師說佛性之四種  
開玄法於三德遂令刪闍頽賴須跋



摧心或喻之龜毛或方之鳥跡尋光  
於海底智者不惻其是非觀樹影於  
暗中明者不窮其虛實慈緣幽感難  
陀掩扉而復開願力潛通未羅已燎  
而還滅四相兼備照菩薩之五眼千  
契俱開現如來之雙足佛日之日燭  
耀十方天中之天覆臨三界昔一乘  
月喻得戒於多子之辭今五指日光



剋期於育王之塔大迦葉之冥通也  
是時優那恍惚聞滅度而悲號彼或  
愚癡覩涕洟而慶快尊者開銀柳拂  
金棺以旃檀沈掬香被其體摩訶蔓  
陀羅花覆其上添油炷益香薪火不  
能燒烟不能起尊者訶曰夫出界常  
身金剛堅固凡俗猛熾何能致焚稽



首自請因而火化佛身毀滅惟居香  
炭之中佛影乘空獨坐蓮花之上灰  
生四樹用表四含願奉四人俱弘四  
大大迦葉之靈感也是以撥餘燼拾  
碎身一一腠理以成化佛片片骨節  
並變寶珠由是天逞天威將欲捧歸  
於天上神恃神力欲劫持於海下尊  
者任其樓豆腐聲而唱曰天有力能



下地人無力能上天神有靈能出浪  
人無靈能入海若賣舍利於天海人  
則永無見期汝等云何欲騁凡力違  
佛本願不遣利人天神乃止憤愧而  
退大迦葉之任運也

尊者乃收舍利分布人天以三十二  
相全身建八萬四千寶塔群龍頓足  
拜如來之影像衆獲稽首禮如來之



新編入錄

雙峯山曹侯溪寶林傳卷第二

失第二第十兩卷而京師編問目無

第二祖阿難章中流寂滅品第六

遂取聖曹集文章品補此卷由第八第十

今時阿難尊者王舍城人也姓刹利帝  
斛餅王子世戚即與佛同氣連枝出  
家即昇堂入室梵語阿難此云慶喜  
亦云歡喜爲佛成道夜生父母歡喜  
故得嘉名於多劫中而修忍辱性不



忤物常出美言情無平暴多聞博達  
智慧摠持若海吞流如燈傳照佛智  
法藏悉在伊人先囑文殊今為近侍  
阿難乃先求四願允即依隨一者願  
佛不賜我故棄之衣及餘飲食二者  
聽我隨佛別請三者諸比丘見佛有  
時聽我出入無時不須制約四者我  
至佛前所說經藏重為我說文殊白



佛佛讚聰慧阿難善息譏疑皆聽所  
願二十年中侍奉無迨所有法藏纖  
豪不遺凡見醜惡未嘗毀訾曾隨如  
來至一平野見其穴墓佛告曰何以  
此墓穴敗無人封樹阿難曰此境中  
人心達大道一無所有門不閉塞常  
覩佛日清虛自在佛讚善哉又至一



林見葉凋落顧問阿難曰此林何疏  
荅曰人無寒暑禮儀不生木無榮枯  
誰知稟氣佛言善哉又於路次見一  
死犬迴問曰此犬甚臭死誰能近者荅  
曰雖復臭穢而無臭死想其齒白淨甚  
是可愛世尊重嘆善哉阿難心無毀  
辱言多贊敬昔金龍尊佛所化功德



無量時阿闍世王知其法藏悉付  
阿難白言仁者昔如來迦葉二師滅  
度自我多故咸不覩見仁者於後般  
涅槃時願垂告語阿難曰然即以巡  
游國土宣暢真宗次第經行至一竹  
林聞一比丘候念偈云  
若人生百歲不見水潦涸不如生一日  
而得覩見之



阿難聞已嗟嘆曰

世間一凡有

不解諸佛意

徒載四圍陀

不如空身睡

阿難言已乃語彼比丘曰此非佛偈汝  
今當聽吾爲汝宣偈佛云

若人生百歲不會諸佛機未若生一日  
而能決了之

彼比丘聞已即歸白師說阿難所正



之偈彼師曰阿難老朽記念非眞智  
慧衰殘言多錯謬慎勿隨之阿難却  
後依前聞誦候偈謂曰我曾教汝佛  
偈何故由念邪言比丘曰我師教招  
不令棄捨阿難返自思惟人不可言  
言須得地彼輕我言而諷魔偈佛當  
在世我即白佛聖已沮解今向誰說



作是念已地六震動須臾光輝下有  
一聖宿空中而說偈曰

彼者諷念偈 竊非諸佛語 今遇歡喜尊  
而可依了之

前師與弟子聞聖宿菩薩現身說偈  
心生恭敬隨順佛語於一食證斯陀  
含果心自念言吾身老朽不宜久停  
將入涅槃永歸常樂乃憶阿闍世王



與吾盟誓事須相告即詣王宮而語  
門者爲我奏王吾欲涅槃故來辭王  
閻官曰王當寢次覺見即奏聞阿難曰  
然爲我陳說即趣毗舍離城恒河岸  
側王於夢中見一隊仗擁從一蓋七  
寶嚴麗瓔珞殊妙至一寬平處四衆  
圍繞恭敬供養須臾之間忽降風雨  
摧折蓋柄珍寶墜地因此驚覺神情



惘然門者奏曰阿難辭王入般涅槃  
值王寢次留言而去王聞悶絕良久  
乃甦顧問左右曰尊者當於何處入  
般涅槃大目犍連曰往毗舍離城王即  
嚴駕四兵賈持七寶至彼國土見阿  
難在彌伽中流而住王即瞻仰稽首  
三界人尊已棄我去暫馮願且莫涅



縣毗舍離國王亦奉八珍精嚴三德  
在彌伽側而說偈言

至尊一何速而歸寂滅場願住須臾間  
而受於供養

今時阿難以偈辭曰

二王善嚴住勿為苦悲戀涅槃當我淨  
而無語有故

阿難復念言我若向一國而趣涅槃者



諸國持兵而誶舍利殘害他故何名  
慈悲可於彌伽中流而般涅槃令無  
爭競作是念已大地山河六種震動  
時雪山中有一仙人五通具足覩斯  
瑞應即與五百仙人飛空而至稽首  
禮足胡跪白言我於當證佛法願爲  
我等而度出家阿難既受請已即化  
彌伽變作金地爲諸仙人如應說法



寶林傳卷第二

第五張

秦中

復作是念我昔所受弟子宜當悉集  
未逾食頃有五百羅漢從空而至爲  
諸仙人出家受戒第一羯磨得初果  
三法竟得第四果中有二人一名商  
那和修二名末田地迦亦名末田地  
迦末田地時度須跋陀羅便證道果  
云我不欲見師滅度遂先入寂阿難



告二弟子曰昔如來以大法眼藏付  
于迦葉迦葉人定而付於我我今滅  
度用傳於汝汝等二人如法受行流  
通後世無令斷絕聽吾偈言

本來付有法付了言無法各各自須寤  
寤了無無法

阿難又告商那和修曰汝善行化繼  
聖傳揚汝後有嗣者度人籌盈石室



後謂末田地曰如來語汝罽賓國中  
一百二十年間有一比丘字末田地  
迦於彼化道利濟無涯汝當持此正  
法彼土宣揚我憶如來以諸比丘至  
彼國土住一大池邊語吾曰我涅槃  
後有一比丘名末田地迦在此池岸修  
習禪定彼池龍王深生敬重請於龍  
宮精陳供養龍乃縮水奉池願充精



舍於池西北角別創小池可百餘里龍  
與眷屬五百自新而居龍因施池尅  
證那含尔時末田地迦受阿難旨往  
彼化緣一代光輝師資絕嗣阿難付  
法藏竟作十八變入風輪奮迅三昧  
分身四分奉忉利天一分奉娑竭羅  
龍王一分奉阿闍世王一分奉毗舍



離王一分各起寶塔廣興供養自尔  
雲旋鸛繞梵奏香凝九月四生作禮  
祈禱當周第十主厲王十二年癸巳  
歲矣

第三祖商那和脩章降火龍品第七

尔時商那和修尊者摩突羅國人也  
亦名舍那婆斯姓毗舍離父名林勝  
母字憍奢耶於母胎中六年始生亦



云商諾迦此云自在服是西天九枝  
秀草名也商諾迦者初生有自然胎  
衣隨身而長及後出家化爲九條之  
衣彼國秀草生於淨地若有羅漢出  
世化爲九枝和修出家感斯瑞應昔  
佛行化至摩突羅國見一青林敷榮  
茂盛語阿難曰此林地名優留荼吾  
滅度後一百年有比丘名商那和修



於此地上起僧伽藍廣敷法藏大化  
群生後經百歲果誕和修出家證真  
林禪思有二火龍毒害猛熾暴物侵  
人和修即以神力震動此池火龍大  
瞋雲雨降風興雷掣電和修處慈心  
三昧安坐怡然龍覩希奇復身禮敬  
問曰願師慈悲當賜教誨和修曰佛



記此地當建伽藍汝捨與吾利益無  
量龍曰若有教記我敢拒違願師慈  
憐勿嫌湫隘龍捨地已俱得生天表  
刹莊嚴播宣聖範和修又自念言我  
化導已久孰當繼吾入定諦觀見利  
吒國中有一長者名曰善意而姓首  
陀當生三子小者出家承襲衣於我和  
修乃不覺徒衆獨至彼舍而扣其扉



善意見一見瞻禮問許欲何所須和修  
曰我無徒伴希一給侍善意見曰我樂  
世俗無心出家我若生兒當奉尊者  
和修曰善即辭而還却歸本座知善  
意生一子名優波吉羅次生二子一名  
優波焰摩三名優波毬多柔和善順  
性好仁慈和修復至善意舍長者見  
之敬仰倍前和修曰汝先許我子出



家今寂小者願相給付長者愛心未  
肯與之和修曰非我劫緣昔佛記此  
子後二百五十年中當第四祖師名  
優波鞠多度人壽形石室汝順佛旨  
慎勿遮障長者聞宣聖記心意精專  
即以其兒奉上尊者和修領得歸於  
寶坊問曰汝年幾耶鞠多曰我年十



七汝身十七耶性十七耶翹多日師頭  
白耶心白耶和修曰我自駿白非心白  
耳翹多日我身十七非性十七和修知  
是法器遂在左右三四年間師與翹  
度命諸賢而受戒和修乃告曰佛以  
無上法眼付囑迦葉如是展轉而至  
於我我今付汝汝當護持聽吾偈言  
非法亦非心非心亦非法說是心法時



是法非心法

和修日汝當善護念諸菩薩善付囑  
諸菩薩無令斷絕吾自歸山深居家  
淨汝當化道屬受以時趨多受教禮  
謝於師和修憶昔罽賓南面有象白  
山苔石幽竒松泉清峭即飛騰往彼  
三昧安祥於其定中見趨多五百弟  
子不重其師心常懈怠是非我難可



寶林傳卷第二

第九張 秦字号

調伏即至。毬多舍便坐。毬多牀時。毬多不在彼。諸弟子咸生瞋怒。曰：是何弊人。踞吾師牀。勦力牽挽如山。不搖欲出惡言。口便閉塞。遞相顧眄。遽往告師。曰：有一比丘形容樵瘁。踞師七寶牀。安止不伏。起毬多念言：自非吾師。無能坐者。即統衆而歸。果見是師頭。



面禮足問評起居。邇多徒衆念三師。  
雖作禮威德勝彼和修。知諸孫衆輕  
慢不悛。即舉右手二指點其虛空。俄  
降白乳如膏。尋時又降甘露。和修語  
邇多曰。汝識此否。邇多曰。不識。和修  
曰。汝審諦觀。是何祥瑞。邇多即入  
三昧。觀察了不能知。乃出定。整容而問  
於師曰。是何三昧。和修曰。此名龍奮。



迎三昧如是次第有五百三昧名號  
不同汝曾知不趨多曰我所得法盡  
從師受唯此三昧未蒙師指引和修  
曰如來三昧菩薩不知菩薩三昧辟  
支佛不知辟支佛三昧羅漢不知羅  
漢三昧吾師阿難不知阿難三昧我  
亦不知今我三昧汝亦不知此三昧  
者佛涅槃後有其至寂禪定無諸穢



意通明定慧心無生滅住大慈力遞  
相恭敬者方能識此三昧彼五百比  
丘聞師所說心各戰慄內自悔責云  
我無智慧輕侮大聖願尊慈悲令罪  
消滅和修聞已而說偈言  
通達非彼此至聖無長短  
汝除輕慢意疾證阿羅漢



諸弟子聞已依教奉行皆證道果和  
修乃呈十八變化三昧火用焚其身  
所有舍利翹多收葬并于梵迦羅山塔  
崇高顯天樂名華歲盈時降五百  
弟子各持幡華羅列供養天人禮敬  
幽顯霑恩當周第十一主宣王二十  
三年乙未歲矣  
弟四祖優波毼多章化三尸品第八



今時優波龜多尊者吒利國人也亦  
名優波掘多姓首陀父名善喜意十七  
出家二十證果佛預記云吾滅度後  
第四祖師度人無量號無相好佛承  
商那和修傳付茲諭五天次至摩突  
羅國大衆雲集半月說法天華時降  
每地神現見聞獲益震動魔宮波旬  
極生愁怖乃密騁神通雨具金寶華



寶林傳卷第二

第十一張

秦

瓊瓔珞復現寶女窈窕姪姪麗艷態奇  
希舉衆攀緣心意慢亂時八千大衆  
於三日中無有一人而證道果魔王  
歡喜慶快非常翹多即入三昧乃見  
波旬致斯妒害退修道衆失其本心  
魔王見翹多入定即以瓔珞繫於頸  
上翹多出定即知是魔偶得其便翹



多即化三屍所謂人狗蛇等以為華  
鬘魔時再現舞弄尊者趨多乃轉言  
慰愈云汝與我瓔珞厚是厚意吾今  
以少許華鬘聊相酬贈魔王大喜舒  
頸受之尋變為三屍蟲蛆臭爛穢汙  
難堪魔王極生厭惡語趨多曰何以  
死屍繫吾頸上趨多曰比丘之法不  
應以華鬘莊嚴於人然腐爛腥觸汝



乏因感何以輒恣妖邪敗吾聽衆汝  
由不樂何及於我時波旬盡其神力  
欲解三屍竟不能去乃踊身虛空告  
諸天衆求解其屍諸天皆言此大聖  
所加非我能解復詣梵王求免梵王  
曰十力弟子所作神變我今凡陋何  
能解之寧以藕絲縣須彌山若解此  
屍終無是處又爲說偈



俾還本心 若因地倒 還因地起  
若無其地 終無所履 汝可歸心  
尊者必當 為汝解之  
波旬受梵王教禮敬尊者誓願歸  
依 邈多曰汝於正法更不燒害不波旬  
曰我誓迴向永歸佛道邈多曰諸聖  
使我降伏於汝汝因斯故不墮惡道



即為解頸三屍魔王大喜敬禮尊者  
曰我因師故得離邪見邇多曰汝昔  
覩見如來今還記其容相不波旬曰  
省邇多曰可謂現之我願覩見波旬  
曰我見如來形相不敢故辭唯願尊  
者幸莫禮拜邇多曰然波旬即入林  
中變為如來三十二相八十種好面  
如滿月身若金山進止威容釋梵圍



繞從林而出。趨多一見生如來。想瞻奉化容。忘與魔約。不覺禮拜魔王。不勝致敬。身體戰掉。却復本形。而說偈言。

稽首三昧尊。十力大慈父。我今願迴向。勿令有劣弱。

言訖。拜辭尊者。却返天宮。至第四日。告諸天衆曰。欲得人天利樂。永離蓋。



纏當數往趨多法會歆啖醍醐言已  
即率天衆賁持香華伎樂而來供養  
時趨多在世化道證正尤多單賢隻  
聖罔記其倫夫婦俱證道果者方折  
一籌籌長四寸滿一石室室長十八  
肘廣十二肘寂後有一長者名香衆  
來詣出家師曰汝身出家心出家香



衆曰我來出家非爲身心師曰不爲  
身心復爲誰出家香衆曰夫出家者  
無我我故無我我故即心不生滅心  
生不滅即是常道既是常道諸佛亦  
然心無形相其體亦然邇多曰汝當  
明寤心自通曉宜依佛法紹隆三寶  
即與出家命聖受戒乃告曰昔如來  
以大法眼藏囑累迦葉如是展轉而



至於我我今付汝汝善保持傳化未  
來無令斷絕聽吾偈言

心自本來心 本心非有法 有法有本心  
非心非本法

說此偈已復告香衆曰汝父夢金日  
梵云提多迦此云通真量宜名提多  
迦以符真貺提多迦聞師賜名并傳  
法偈頭面禮敬頂謝再三趨多乃騰



身虛空作十八變使諸四衆發大信心却座儼然泊乎長往大衆以室內之籌用闍維之悉得充足提多迦即收舍利起塔供養四衆萬靈晨夕香明當周第十三主平王三十一年庚子歲矣

第五祖提多迦章仙受化品第九



尔時提多迦尊者摩竭陀國人也在舍  
之曰父夢金日從屋而出放大光明  
照曜天地對一大寶山山頂有泉師  
爲解曰寶山者吾身是也放大光明  
者汝智慧也從屋出者汝入道也山  
頂泉者無上法也邇多爲釋其夢并  
賜其名而度出家兼付法藏提多迦  
歡喜踊躍而說偈言



巍巍七寶山 常出智慧泉 迴為具法味  
能度於有緣

趣多聞已亦說偈言

我法傳於汝 當現大智慧 今從屋出  
照耀於天地

提多迦聞師說偈禮敬奉持自統其  
徒化游諸國至中印土彼國有八千  
文仙化誘人衆仙尊號遮迦廣行仙



道聞師演範即領諸仙衆至法會所  
瞻禮聽受乃語尊者曰我憶往昔與  
師同生梵天我學仙道遇阿斯陀受  
我仙法尊者修習禪定今證聖果自  
頃支離已經六劫提多迦曰適見仙  
尊已知遠事我得證汝獲奚方仙曰  
我於仙道唐設劬勞捕影繫風乘空



躡響流浪多劫一無所得得尊者曰佛玄  
人修大仙功德無緣敬學小道又似纏  
牽佛說如此汝可捨之如棄小流而  
歸大海宜捨仙道而入佛乘我化道  
已久竟不在晚仙曰阿斯陀仙記我  
却後六劫當遇同學而度於汝得證  
聖果今此際會願度出家時八千人  
見仙尊捨道從師心皆憤悱曰大仙



何故而歸小尊不開呪術而無道藝  
削髮披緇有何能勝我等雖順大仙  
心未降伏提多迦知諸仙衆我慢貢  
高即作神通放大光明足履虛空如  
地無異時現寶蓋而覆其頂手生五  
乳二乳中涌出蓮華二華中而現諸  
佛為說妙法仙衆見已發菩提心禮  
敬尊者俱願出家師曰汝既迴心聖必



加護各應自念非假刀刺可至誠歸  
命三寶自成聖相諸仙受教各自念  
佛專心靜慮應時顛蹶自落袈裟被  
體檀相如畦悉登法忍提多迦仍為  
說法咸證無生然命上首弟子彌遮  
迦曰昔如來以大法眼藏付囑迦葉  
展轉相傳而至於我我今付汝汝善



護持聽吾偈言

通達本法心

無法無非法

寤了同未寤

無心亦無法

說是偈已即從座起踊身虛空現十

八變作六神通化火光三昧而盡其體

彌遮迦收其舍利於斑荼山中起塔

供養當周第十五主莊王七年己丑

歲矣



第六祖彌遮迦章除觸器品第十

尔時彌遮迦尊者中印土人也昔爲  
大仙統八千衆五天大化四衆須誠  
遇提多迦而憶往事出家受教繼祖  
傳燈徧化群方弘宣法眼至北天竺  
國遠望城上金雲偃仰覆蓋雉堞尊  
者曰此城內有大乘氣必有奇人而  
紹聖種言訖即入此城路逢一人身



服嚴淨手執酒器來問師曰何方而  
來欲往何處師曰自從心來欲往無  
處又問曰識我手中物不師曰此是  
觸器而負淨者又問曰識我不師曰  
我即不識識即不我師曰今雖識汝  
不知汝字汝暫稱名吾即省矣  
彼曰我今生此國復憶昔時本姓頗



羅憶王名婆須蜜師聞姓字洞徹宿緣  
我師提多迦云昔佛游北天竺國謂  
阿難曰此國中有一大聖吾滅度後  
三百年當出于世姓頗羅憶名婆須  
蜜於禪祖中當于第七世尊記汝非  
吾能知汝可出家捨除觸器而證解  
脫婆須蜜聞已即擲鉢哭禮請於師  
云我適憶往事於無量劫中曾施寶



座值於一佛與我受記云於賢劫中  
得繼玄範次當第七如世尊所說深  
叶宿緣願師大慈引接至道師即與  
出家命聖受具然告曰昔如來以大  
法眼藏付囑迦葉如是展轉而至於  
我我今付汝汝可護持聽吾偈言  
無心無可得說得不名得若了心非法  
始解心心法



師曰吾此偈者祕密心要法可諦思  
勤行覺道言已即於座上現太畱廷三  
昧於虛空中從無相入有相出有相入  
無相出乃成八支道却至本座化火  
焚軀人天感動雲霧慘悽婆須密收  
取舍利以七寶函盛安塔上層人天  
龍神供養無虧當周第十八主襄王



十七年甲申歲矣

第七祖婆須蜜童梵王問品第十一

今時婆須蜜尊者北天竺國人也姓  
頗羅幢在彼國中或風或狂乍愚乍  
智手執酒器游佚四衢值彌遮迦明  
宣往事承佛遠記隨順出家受道傳  
輝殊方誘化至迦摩羅國大興佛事  
忽於座前有一智者稱佛陀難提起



白師曰解論議不師曰仁者論即不  
義義我即不論若擬論義我終非義我論  
佛陀難提聞師語勝心即敬伏即告  
師曰我願求道服甘露味唯冀慈悲  
而賜攝受尊者即與披剃命諸羅漢  
而為受戒然後告曰昔如來以大法  
眼藏囑累迦葉如是展轉而至於我  
我今付汝汝善護持聽吾偈言



心同虛空界 示同虛空法 證得虛空時  
無是無非法

說此偈已踊身虛空遶十八變化以  
慈悲心三昧而入寂定令身不散儼  
然如生經于七日梵王諸天而來座  
前禮敬而說偈曰

賢劫衆聖祖 而當第七位 尊者哀我念



請爲宣佛地

尊者聞梵王請即從座起告梵王曰  
我所得法而非有故若識佛地離有  
無故說此語已依前入定梵王聞師  
說法讚敬躬勤散諸寶華繽紛供養  
佛陀難提即從本坐起率觀波時有  
一王名法莊嚴捨身所有瓔珞七具珠  
而用莊嚴七衆巡繞當周第二十一



主定王十九年辛未歲矣

第八祖佛陀難提章白光通貫品第十二

今時佛陀難提尊者迦摩羅國人也  
姓瞿曇波初生之時頂上有珠珠光  
遠照年四十聰明博達日唯一食常  
修梵行遇婆娑須蜜行化而往徵詰聞  
師如釋遂授出家復承法嗣援引導  
衆門闡範遐邇至提伽國彼國之人



多修定業有一毗舍羅家唯生一子  
名伏馱蜜多年登五十而不解語又  
所履步喻若孩孺父母常懷憂慮嘆  
曰是何因緣產生疣贅誰有智者為  
我訣疑乃問諸定者為是何因定者  
云我但習定是事莫知後有智人當  
為汝釋此智者心懷佛印身意清淨



善有他心及以宿命若要除疑當俟  
彼至佛陀難提即入此城屆於彼舍  
上見白光貫霄漢師問衆曰識此光  
不衆曰匪知師曰今此俗舍當有聖  
人心如大海不合凡意口無言說是  
大乘器不行四衢知觸穢耳當繼吾  
跡人天獲利此光上下通貫者亦有  
所以上通至天者吾所學者而出於



彼下貫者吾數當第三師名脇尊者  
其行高廣五天欽崇說法度人不可  
稱計言由未已彼舍主出禮問尊者  
曰有何所須師曰我來求人須其  
物蜜多父母曰我身老朽不堪出家  
唯有一子而復愚癡若要財寶供給  
不辭定覓其人多應罔遂師曰我來  
求人須其寶但得其人珍寶自至



父母曰我有一子年已五十未解言  
語亦不行步師意若要我即不惜師  
曰如汝所言便將與我父母即將此子  
奉上尊者尊者領得歡喜內盈至伽  
藍蜜多忽然自進七步合掌師前而  
咨問曰父母非我親誰是寔親者諸  
佛非我道誰是寔道者尊者觀行復



語已足奇希聆問幽深倍常忻慶即以偈荅曰

汝言與心親 父母非可比 汝行與道合 諸佛心即是 外求有相佛 與汝不相似 若識汝本心 非合亦非離

蜜多聞師說偈敬奉彌勤即請出家師爲度脫命聖具戒乃告曰昔如來以大法眼藏付囑迦葉如是展轉而



至於我我今付汝汝善護持聽吾偈  
言

虛空有內外 心法亦如此 若了虛空故

是達真如理

伏馱蜜多聞師偈已即從坐起踊身

虛空灑諸甘露雨散天華說偈讚曰

我師禪祖中 當得爲第八 法化衆無量

悉獲阿羅漢



時佛陀難提即從座起卓然而立現  
五神通從其腹中光飛八道照曜大  
衆承此光者五百餘人悉證三果師  
方入滅高樹寶塔插入星河梵衆人  
天香華供養當周第二十四主景王  
十二年丙寅歲矣

長安終南太一山豐德開利寺釋經沙  
門雲勝游禮寶行惜志第二第十卷

咸平元年上表乞續編入開元年智昇撰錄後來唐皇肅代德四朝七人三  
藏所翻并聖朝咒經并聖朝三藏集傳二千餘卷今取聖朝集補之問學

寶林傳卷第二



第九祖伏駟

小時伏駟蜜多提伽國

生已來年近五十都不行履亦不解語彼國之人多修定業父母詣彼而欲語之說云因緣以何之故而生一子不解行語年近五十漸積癡老如何定者

(以上原缺三行半)



而爲決烈定者曰我自唯定非能知  
諸當有智不久而至此大士心懷佛  
印身亦清淨善有他心而知宿命若  
欲決烈候彼問之介時佛陀難提便  
入此城游行教化說諸大衆而至毗  
舍羅家時彼父母同至尊前頭面作  
禮尊者見此宅上有一白光上下通  
貫而謂諸衆識此光不衆曰我不能



識唯師所辯。今時佛陀難提告諸大  
衆。今此光者。於此俗舍。當有聖人心  
如大海。不合凡意。口無言說。其行常  
異。靜心寂然。是大乘器。不行四衢。知  
觸穢耳。吾滅度後。有此聖者。而繼嗣  
之度。諸羅漢而滿五百。化道群有悉  
獲聖果。父母禮已。問佛陀難提曰。所  
須何物。尊者曰。我來求人。不須其物。



卷第三

第二引

卷第三

多父母白佛陀難提尊  
朽尸也

(以下缺一紙半)



曰我住此處與

得生惱尔時香蓋知子志意而求出  
家其父白師云我此子欲住師所願  
師納受爲與濟度尔時尊者即與出  
家有七羅漢而爲受戒於戒壇中而



現一相天用舍利三七粒亦受戒已  
舍利亦隱時比丘難生在師左右常  
坐不卧而心精進今時伏默蜜多告  
比丘難生日如來以大法眼付囑迦  
葉展轉相傳今至於我我今將此正  
法眼藏付屬於汝汝當護持無令斷  
絕汝受我教而聽偈言眞理本無名  
因名顯眞理受得眞實法非眞亦非



僞今時難生聞說偈已心勤恭敬而  
受詔今時伏馱尊者付法已竟又自  
念言化導已久於諸本緣悉皆度盡  
我自三昧而自安息作是言已默然  
入定天諸音樂而供養之時脇尊者  
即以香薪用闍維之收得舍利於一  
寶貝坊號爛那多而於此所起塔供養



此師入寂時當此土姬周第二十六  
帝敬王三十五年甲寅之歲伏默塞  
多涅槃也

第十脇尊者者章預感金地品第十四

尔時脇尊者者中印度人也。在母胎中  
六十年耳。雖食五穀而復無漏欲生  
之時。父夢白象背有花座於此座上  
而有一珠。此象負之從門而出。至一



法會瞥然不見從此夢已其子已誕  
身有香氣光明滿室唯一仙而辭  
此瑞謂父母曰汝所生子非是俗器  
當遇菩薩而見濟度尔時伏馱蜜多  
與諸大衆至中印度大作佛事是時  
香蓋即領難生至其師所時難生一  
見伏馱尊者便生敬慕欲求出家其  
父報曰汝若出家常在師所我若住



此汝即歡喜吾歸彼舍汝必生惱子  
曰我住處與彼不殊諸漏已盡何已  
生惱尔時香蓋知子志意欲覲師所  
而求出家其父白師今我此子欲依  
師法願納受之爲我濟度尔時伏馱  
即與脇尊者出家有七羅漢而爲受  
戒於戒壇中而現一相天雨舍利三



七粒亦受戒已舍利亦隱介時脇尊者  
者在師左右勤心精進常行苦行脇  
不至席因茲立名於彼國中而爲其  
首得付法已游行教化至一國土名  
曰花氏彼國土中有一長者名曰寶  
身而有七子一名富那般多二名富  
那金子三名富那月光四名富那勝  
童五名富那波豆六名富那吉丹七



名富那夜奢其第一子常好仙術多  
諸伎法其第二子常好寂靜每思善  
事不欲誼鬧其第三子常好鬪打尅  
險之戲以爲快活其第四子常行布  
施專好念佛其第五子唯敬殺害心  
好酒肉其第六子好行姪欲不以爲  
厭其第七子心無所求亦不好樂亦  
不憎惡亦不作罪亦不求福亦不生



寶林傳卷第三

第六張 秦字亭

滅亦不居靜亦不處亂亦不求道亦  
不求佛亦不求解脫亦不求菩提不  
求聲聞及辟支佛自云我心所得咸  
獲生滅我心所證亦復然矣若遇大  
士而坐道場我至彼所親近隨喜時  
脇尊者至彼國中於一樹下與諸大  
衆俱會一處尔時尊者以手中指指



樹下地告大衆曰此地若變爲真金色當有聖者而入此會言當未久其地漸變須臾之頃以爲金色尊者舉首而見一人當會前立尊者曰汝從何而來夜奢曰我心非往尊者曰何處所住夜奢曰我心非止尊者曰汝不定耶夜奢曰諸佛亦然尊者曰汝非諸佛夜奢曰諸佛亦非尔時脇尊



者心生歡喜諸佛慈造衆聖不絕度  
諸有苦咸登覺場即說偈言歎夜奢  
曰此地變金色預知於聖至當當坐菩  
提樹覺見道而成已今時夜奢而說偈  
言用歎師曰師坐金色地常說真實  
義迴光而照我今入三摩諦說此偈  
已禮師白言我今欲出家尊者當濟  
度今時尊者即爲出家請諸羅漢而



與受戒尔時脇尊者告富那夜奢曰  
如來以大法眼付囑迦葉迦葉展轉  
相傳而至於我我今將此正法眼藏  
付囑於汝汝可流布無令斷絕汝受  
我教而聽偈曰眞體自然眞因眞說  
有理領得眞眞法無行亦無止說此  
偈已告曰汝善守護勿令斷尔時富



那夜奢受尊教已作禮圍繞以諸花  
香而散其處時付法已即從座起合  
掌當心涌身虛空化火三昧而自焚  
藝火須臾之頃空降舍利大衆以衣而  
共盛接安立塔廟六時恭敬又梵天  
人而持一蓋七寶莊嚴將奉塔上而  
爲裝飾自脇尊者入寂時當此土姬  
周第二十八帝貞王二十二年己亥



之歲涅槃也

第十一祖富那夜奢章察馬鳴品第十五

今時富那夜奢者花氏國人也姓瞿  
曇氏兄第七人而處寂幼心明博達  
無諸所求復於諸有而不繫著心如  
大海智若須彌而感師故縣知來矣  
師統大衆而止一樹又已中指指樹  
下云此地變如真金色當有聖者



而入此會言猶未已其地漸變如真  
金色師忽舉首而見尊者當會而立  
脇尊者曰汝何而來夜奢曰我心非  
往尊者曰何處所住夜奢曰我心非  
止尊者曰汝不定耶夜奢曰諸佛示  
然尊者曰汝非諸佛夜奢曰諸佛亦  
非尔時脇尊者心生歡喜諸佛大慈



造令衆聖不絕度諸有衆故咸歸佛  
道場尔時尊者即與出家命諸羅漢  
而為受戒即付其法并說其偈教詔  
守護無令斷絕時富那夜奢得付法  
已廣宣流布他方游化而教導之十  
力功德悉皆具足八解三明無不委  
知大行高廣而自安樂說法度衆而  
滿千萬得道果者而有五百次第游



化又至一城名波羅奈遇一長者名  
曰馬鳴有大智慧心行佛事於諸有  
故而能調伏今時尊者顧視左右而  
發問曰汝等諸人者知此來士而已  
識不衆曰非我等知夜奢告曰今此  
來者不是餘衆昔聞聖說佛已受記  
吾滅度後六百年中當有聖者而號  
馬鳴行步威德形自端正於波羅奈



而自出現彼出家後而至花氏說法  
度衆而滿三千摧伏衆魔而壞邪見  
因此起信而造其論當後世中而悉  
致敬夜奢者曰此之來者合其事已何  
者吾於昨夜夢見大海當於一隅吾  
欲決之此水奔流而潤沙界今此來  
者即是大海吾與出家有潤舍識說



此事已馬鳴至前合掌當心而白尊  
者我欲識佛何者即是夜奢曰汝欲  
識佛不識者是馬鳴曰佛既不識爭  
知不是馬鳴曰此是鋸義夜奢曰彼  
是木義夜奢又問曰鋸義者何馬鳴  
曰共師平出又馬鳴問曰木義如何  
夜奢曰汝被我解尔時馬鳴聞師義  
勝心即歡喜而求出家尔時衆中達



此義者二百人俱悉獲羅漢於此會  
中共度馬鳴而受戒品今時富那夜  
奢告鳴曰汝知先世昔事以不馬鳴  
曰我昧如夢請師爲汝夜奢者曰汝先  
世中曾生梵天而爲愛故生毗離國  
中人無衣服身生其毛猶似其馬雖  
有其口不解言說汝興慈故而化小  
蟲分身萬億於彼樹上而食其葉不



經旬日而有窠圍彼國人衆而有三  
等取上之者身有光明而能言說所  
念衣服而能自資中等人者身無光  
明自求衣服取下之者身形如馬號  
為馬人於此樹上拾其窠圍將充衣  
服此窠圍者彼號天子衣即此土蠶  
子是也因此一國馬人而充衣服為



獲此利而生中國昔離彼國馬人感  
故而共鳴喚汝心感故而說偈曰我  
昔生梵天爲有小愛故而慳毗離國  
與汝同憂苦我見汝無衣心生善報  
護示化於窠園當得諸濟度說誦此  
偈已便生波羅奈汝合轉法輪次第  
當十二因此所感故號於馬鳴又告  
曰如來以大法眼付囑迦葉展轉相



傳而至於我我今將此正法眼藏付  
囑於汝汝可流布無令斷絕汝受我  
教當聽偈言迷寤如隱顯明暗不相  
離今付隱顯法非一亦非二時馬鳴  
尊者聞說偈已心生恭敬頂戴奉持  
時富那夜奢付法已竟即現神力飛  
行自在作十八變訖却至本座而入  
寂定時當此土姬周第三十三帝



安王十四年戊戌之歲入涅槃也

第十二馬鳴菩薩章現日輪品第六

尔時馬鳴菩薩波羅奈國人也尔時  
世尊與諸聖衆而至此國謂諸衆曰  
吾滅度後六百年中當有智者號曰  
馬鳴而於此土爲化導首後至花氏  
度諸外道而滿三千見彼起信而造



其論此人先世曾生梵天而爲愛著  
憤毗離國彼國三衆而各有異於眾  
下者身無衣服不解言語上彼二衆  
號之馬人當此人者曾化天衣而覆  
此衆窠圍蠶繭之所等物爲此善利  
而生中國後傳我教次第十二行步  
威德形自端正當出毗離感馬鳴故  
故號馬鳴亦名功勝於諸功德而獲



寂勝。尔時馬鳴得付法已，游行教化。又至他土，名曰花氏，於此國中常演妙法。度三乘人，有一老者，去我病疾於馬鳴前，以面覆地，後便不語。衆者所怪云：「是何物當於會前而伏於地？」尔時馬鳴告衆人曰：「此非凡者，不久之間而現異相。語猶未訖，早已不見。須臾之頃，從地涌出身，如金色，化爲



一 女其額端正手指尊者而說偈言  
稽首長老尊當受如來記今於此地  
上而度生死衆說此偈已瞥然不見  
尔時尊者心自思惟必有魔至與我  
論義今此賢聖而預境界尔時尊者  
為衆說法須臾食頃有大風雨尊者  
曰此是魔作若我不除必當興害尔



時馬鳴以手揮空現一金龍身長千  
尺復更雷電迴風大雹以吹彼衆此  
即安樂須臾之頃魔即退散又經七  
日是時魔等化一小蟲至尊座上介  
時馬鳴以手捉得謂諸衆曰識此蟲  
不衆曰非我所惻尊者曰此是魔王  
而盜聽法尊者縱之住作神變彼魔  
力小而不敢動尊者曰汝現本身我



非損汝今時魔王即現本身禮尊者  
尊者問曰汝之眷屬有幾多衆答曰  
有三千衆又問曰汝之名字復號云  
何荅曰我號迦毗魔羅尊者曰汝有  
何聖荅曰我化大海不足爲難尊者  
曰汝化性海當可不迦毗魔羅曰  
非尊不才我當未得今時馬鳴即以  
說法并現神力大地振動發三昧火



而照天地今時毗羅見現神力心即  
起并三千衆而亦起信今時馬鳴旣  
見伏已即度出家於大衆中告毗羅  
曰汝發菩提當得聖道不久獲果汝  
非覺知今時毗羅心淨恭敬未久之  
頃有五羅漢當爲證果身則輕健而  
得其戒異香徧覆大衆咸知時有光



明身中而出。今時尊者馬鳴告毗羅  
曰：如來以大法眼付囑迦葉。迦葉如  
是展轉，乃至於我。我今將此正法眼  
藏付囑於汝。汝可流布，無令斷絕。汝  
受吾教，當聽偈曰：隱顯即本法，明暗  
元不二。今付寤了法，非取亦非棄。今  
時毗羅尊者聞說此偈，心生辨重，而  
依教囑。今時馬鳴付法已竟，即於本



座入奮廷三昧現神通已即於座上  
卓然而立化為一相猶如日輪良久  
即隱而入大寂時當此土姬周三十  
五帝顯王三十七年甲午之歲入娑  
般也

第三祖毗羅尊者章他知疑品第七

今時毗羅尊者花氏國人也於彼國  
土而隱陰界時現風雨常作外法有



寶林傳卷第三 第四十四 秦字号

所仰衆而僅三千。今時馬鳴菩薩游行教化至彼花氏於一樹下常演妙法以度諸衆。令得解脫時有一人年似衰老至尊座前云我疾病覆面在地良久不動更不言語。大衆共恠云是何物。今時馬鳴告大衆曰此非凡人。不久之間當有變異。語猶未訖早



已不見須臾之頃從地涌出化爲一  
女身如金色以手指尊者而說偈語  
稽首長老尊者當受如來記今於此地  
上而度生死衆說此偈已瞥然不見  
今時馬鳴尊者心自思惟若觀此相  
必有魔至於此地上當得成道而此  
魔衆於我道場徵責往覆而必持論  
即降風雨或現小蟲盜聽我語今時



馬鳴為衆說法須臾之頃有大風雨  
尊者告衆曰此是魔作我若不除必  
當興害今時馬鳴以手揮空現一金  
龍身長千尺復降雷雹迴風電卷以  
吹彼衆此不覺知須臾之頃魔即退  
散後經七日是彼魔王作一人蟲其  
形微小至尊尊座上盜聽其語今時馬  
鳴以手捉得謂諸衆曰非我所惻尊



者曰此是魔王而盜聽法是時尊者  
而乃縱之彼魔力小而不動尊者  
曰汝現本身我非損汝今時魔王即  
現本身禮覲尊者尊者問曰汝之眷  
屬有幾多衆答曰有三千人又問曰  
汝之名字復號云何答曰我號迦毗  
魔羅尊者曰汝有何聖答曰我化大



海不足爲難尊者曰汝化性海當可得不如毗羅曰非尊不才我當未得  
今時馬鳴即以說法并現神力大地震動發三昧火而照天地今時毗羅  
見現神力心即信伏并三千衆悉起信心今時馬鳴既見伏已即度出家  
於大衆中告毗羅曰汝發菩提當得聖道不久獲果汝非覺知今時毗羅



心淨恭敬未久之頃有五羅漢當爲  
證果身則輕健而得其戒異香徧國  
無不知悉時有光明身中而出尔時  
馬鳴即付寶藏并說其偈尔時毗羅  
尊者得付法已至西天竺國化導群  
品有一太子名雲自在領諸徒衆而  
至道場欲請尊者宮內供養尊者曰  
佛法不得親近國王王子諸朝宰等



爾即樂後必有怖太子曰我國土中  
有一大山多諸惡鬼并毒龍等彼有  
道者心多藝術此山方廣近五百里  
於此山南而有一窟毒龍居中非人  
所止尊者意不近人當於所止甚是  
寂靜而可安道今時毗羅尊者即往  
彼所欲至山所有一大蛇從山而出



來逆尊者尊者見已身長一里其眼  
如日尊者便往亦不顧視行至山南  
住一平處其蛇亦來至彼盤繞尊者  
端然而不傾動其蛇却解尋入窟穴  
尊者迴顧左右人衆無一住者盡皆  
退散又至須臾有一老人從窟而出  
白尊者曰欲居此不尊者問曰汝是  
何人當居此窟老人曰我居此山以



經千歲奉上尊命而配住此尊者問  
曰於此山內更有何人是修道者我  
欲知識老人曰從此行去直至於北  
十里已來有一大樹覆陰多龍近有  
五百中有一人名曰龍樹心樂正法  
曾近諸佛常修梵行化諸龍王漸得  
道果我亦敬仰而師於彼尊者欲識  
而當往之尔時尊者便往至彼龍樹



一見心生歡喜禮拜尊者合掌問訊  
深山孤寂龍居窟穴尊者至聖何因  
降此尊者日慕道非深得人在遠我  
非至聖而覲賢者今時龍樹欲求出  
家心自念言此師聖不今時毗羅尊  
者告龍樹曰汝雖心語我已知之但  
自出家何慮吾聖今時龍樹依師學



道至求出家是時毗羅尊者而度龍  
樹時大國王悉皆在會感天帝釋降  
下香乳并諸梵衆而散天花國王捨  
施惠利甚厚又得羅漢而受禁戒當  
獲聖果而得神通尔時毗羅尊者告  
曰如來以大法眼付囑迦葉迦葉展  
轉相傳當至於我我今將此正法眼  
藏用付於汝汝當護持物令斷絕汝



受吾教而聽偈言非隱非顯法說是  
真實際寤此隱顯法非愚亦非智是  
時龍樹聞師偈已心生歡喜頂戴奉  
持時毗羅尊者付法已竟即從座起  
涌身虛空現十八變訖化火焚身而  
歸寂滅今時諸天并諸大衆各持瓔  
珞奉上塔廟又散天花而徧其地今  
時毗羅尊者入滅當時此土娑周三



十七帝赦王四十一年壬辰之歲般  
沮般也

第十四龍樹菩薩章辯天戰品第十八

今時龍樹菩薩者西天竺人也當學  
道時居一大山名曰龍勝此山之中多  
諸毒龍時毗羅尊者而降於彼先遇  
太子名雲自在欲請歸宮而不受之



又至一山名曰龍勝於此山中而見  
一蛇其蛇長大近有一里漸近毗羅  
其眼如日尊者所見而似夢之既到  
山已其蛇亦至盤繞尊者而得數帀  
是時尊者心不傾動如須彌山其蛇  
漸解而歸窟穴須臾之頃現一老人  
從窟而出白毗羅曰欲居此不毗羅  
問曰汝是何人當居此窟老人曰我



昔世中曾爲比丘於一林野多樂寂  
靜有諸道衆時來問我我心煩燥不  
樂言說意有瞋彼天罰我當作一蛇  
長四百步朝所出者即是我身當住  
此山已經千歲尊者曰於此山中更  
有何人是修道者我欲識之老人曰  
從此行去直至於北十里以來有一  
大樹陰覆多龍即此樹王名曰龍樹



彼樹王者心樂正法曾於昔劫而覲  
諸佛化諸凡等常修梵行而度彼衆  
漸得道果我亦宗仰而師於彼尊者  
欲識當宜往之今時毗羅尊者疾步  
至彼龍樹一見心生歡慶而自歎訝  
何得聖者迂臨而至作禮圍繞散龍  
金錢合掌當心而問評曰深山孤寂



龍居窟宅尊者至聖何因降此尊者  
日慕道非深得人在遠我非至聖而  
近賢者尔時龍樹欲求出家心自念  
言此師聖不尔時毗羅尊者告龍樹  
曰汝雖心語我已知之但自出家何  
慮吾聖尔時龍樹聞師之言心即驚  
異便求出家依師善法至近佛道是  
時毗羅尊者而度龍樹天竺國王悉



在其會時感天帝降下香乳并諸梵  
衆而散天花國王捨施惠厚珍寶又  
感羅漢而與受戒當獲聖果而得神  
通今時毗羅尊者便付法藏彼受教  
詔而爲說偈今時龍樹得付法已心生  
欣慶涌身虛空徧至他國作神通已  
却復履步至一國界名南印度彼國  
人民多信福業而不會佛真如至理



唯行小辯不具大智及問佛性而但  
布施云我求福非解佛性汝會佛性  
而爲我說今時龍樹菩薩告彼衆曰  
汝欲學道先除我慢心生敬仰方得  
佛性彼衆曰佛性大小龍樹曰非汝  
所知非說大小若說大小即是大小  
非佛性也彼衆曰我於菩薩欲求其



理而棄小辭歸于大智。今時龍樹即  
為說法對諸大衆而現異相。身如月  
輪當於座上唯聞說法。不見其形。彼  
衆之中有一長者。子名曰提婆。謂諸  
衆曰。識此瑞不。衆曰。非其長聖。誰能  
辯耶。今時提婆心根宿靜。亦見其相。  
默然契會。乃告衆曰。今此瑞者。師現  
佛性。非師身也。無相三昧。形如滿月。



佛性之義語猶未訖師現本身座上  
說偈曰身現圓月相以表諸佛體說  
法無其形用辯非色聲今時彼衆聞  
此偈已心各踊銳便求出家今時龍  
樹而即度脫并與命聖而爲受戒合  
會大衆悉獲解脫於中提婆而爲上  
首今時龍樹菩薩化彼國土時五千  
外道作大幻法令王敬仰是時王者深



信其事宗事外道却惡佛法云彼是  
時龍樹改其容儀著白執衣手執赤  
翻在王前行覓即不見不見即現如  
是隱顯經于七年王苦怪問汝是何  
人在吾前行時隱時顯經于七載龍  
樹曰我是智人善知他事王聞此語  
甚大驚愕王曰汝自云智人以何驗



之龍樹曰王自知者宜當試之尔時  
大王俛仰問之諸天今者當何所爲  
龍樹曰諸天今者與修羅戰王曰彼  
是天事此復難明龍樹曰但待須臾  
即當有驗語猶未訖干戈戟稍降下  
如雨耳鼻脚手從空而落王見是事  
特生珍敬命彼外道令禮龍樹是時  
道衆同見斯事深共歎訝尔時龍樹



菩薩爲彼諸來宗衆而說大智度論  
今現行於世故不錄焉并造中論誦四  
百餘偈又造十二門論此三本論廣  
明佛理而濟道牙立勢摧耶備開宗  
要亦行於世故不書之今時龍樹告  
迦那提婆曰如來以大法眼付囑迦  
葉如是展轉乃至於我我今持此正  
法眼藏付囑於汝汝當受教諦聽吾



偈偈曰爲明隱顯法方說解脫理於  
法心不證無瞋亦無喜今時迦那提  
婆聞師付囑并說其偈心自慶幸而  
受教詔今時龍樹告提婆曰汝善護  
持勿令法眼斷絕爲未來世廣度群  
品作大佛事令得解脫今時龍樹付  
法已竟即於座上涌身虛空入月愛



三昧現神變已却歸座上而入禪定  
至于七日天雨舍利復從定出以手  
指空謂衆人曰識此事不衆曰我不  
能辯非聖可知龍樹告曰此舍利者  
是拘那含弟子摩訶迦尊有其宿願  
而發三等第一願者我作佛時有聖  
化度遇天雨下到其身上悉爲舍利  
以表其瑞第二願者地所生物而堪



為藥投諸衆生第三願者所有智者  
令智高廣而知宿命言訖入定寂然  
長往時當此土秦第四帝始皇三十  
五年己丑之歲入涅槃也

第十五祖迦那提婆章興百論品第十九

尔時迦那提婆者南印度人也姓毗  
舍羅昔求福業而學小辯因遇龍樹  
而寤大智尔時龍樹告迦那提婆曰



欲學其道先除我慢心生敬伏方入  
佛海而見道性智慧明朗於諸見中  
常獲第一是時迦那提婆心即悚慄  
與諸大衆虔誠宗奉今時龍樹即爲  
說法提婆曰我於菩薩欲求其理棄  
于小辯歸乎大智今時龍樹即爲說  
法對諸大衆而現異相身如月輪當



於座上唯聞說法不見其形彼衆之中唯有提婆知其宿命而能辯了提婆爲衆人曰識此瑞不衆曰非尊不才提婆曰今此瑞者師現佛性用以表之說法無形聲色都寂議猶未訖師現本身座上說偈曰身現圓月相以表諸佛體說法無其相用表非色聲今時提婆等聞此偈已心各誦銳



便求出家而師龍樹尔時龍樹便度  
出家并為命聖而為受戒合會大眾  
皆獲解脫提婆於中寂為上首尔時  
龍樹菩薩為彼眾故而說大智度論  
并撰中論誦四百餘偈又造十二門  
論廣明佛理而濟道牙立勢摧邪備  
開宗要盡行於世故不錄焉尔時迦  
那提婆得付法已擅步諸國建立勝



寶林傳卷第三

第三十四張

卷字號

憧降伏異道以智慧力斷諸邪見化  
度群品游歷他土又至一國名迦毗  
羅於此國中有一長者財富無量而  
有二子一名羅睺羅琰二名羅睺羅  
多余時長者而姓梵摩復名淨德於  
一居舍好持園苑修理平正多諸花  
藥及其雜樹於衆樹中而有一樹陰



茂多衆於此樹上而生一耳大如車輪唯供長者之所食噉諸有眷屬悉不獲之此二子問父覓食欲知此耳氣味何以尔時長者即至樹所擬取其耳揔皆不見迴語子曰此樹耳盡欲至食時其子自取亦皆不遇又此二子醉酒而臥其父欲食其耳即出以充飽食食既足已亦無餘者又諸



家衆而擬盜取至彼樹上亦不復見  
余時長者心自念言我何因緣而食  
此耳甚是甘美餘人無分又曰天生  
奇耳非有命者依樹而生亦須有分  
若無分者不得食之誰有聖人而能  
知故余時長者作是語已其第二子  
至彼樹所見此樹耳懊惱前後我不  
得今此見者悉皆屬我即使左右而



修理之以充一食其子食已亦無餘  
者心即安樂不同前後身得輕健心  
不卒暴其次二子而向兄說兄既聞  
已亦命人取都不見有除第二子及  
其長者即得食之餘所求者悉皆不  
獲父子二人自思念之家千口餘揔  
不得食唯我父子而食樹耳故知此



事必非常木有人決得我從所使第  
二子曰此木生竒耳我食不枯槁智  
者解此因我迴向佛道今時長者與  
子歎已至於園觀散步游行是時提  
婆教化諸衆當會前立白大師曰佛  
授記云吾滅度後二五百年中有大  
菩薩因耳而寤若出家時當有聖者  
而謂證果當在一國中名羅睺羅多



吾於此土化而故接此衆言已又與  
大衆巡行城邑至梵摩家是時長者  
深生敬重而供養之即於尊者而說  
此樹請解本因復緣何以今時提婆  
即於座上而入三昧觀其昔緣須臾之  
頃却從定起告長者曰汝年二十時  
供養一比丘及此第二子亦爲侍衛  
者合家諸眷屬而悉不樂見唯父與



寶林傳卷第三

第二十六張

秦字號

小子心常生敬慕此維佛弟子而無  
道德之外相有節行心不通大理在  
汝此家舍而經三十年從此滅度後  
而作此樹耳爲有少節行不繫諸惡  
業爲受此供養故來填酬尔是時尊  
者問長者曰汝年多少梵摩淨德曰  
已年七十九尔時提婆菩薩以偈記



曰入道不通理覆身還信施汝年八  
十一此樹亦無耳余時淨德及第二  
子聞師說偈心開意寤同白師曰我  
欲出家身已老朽其子年少而樂入  
道并有宿願故今復當其時願師哀  
納我其父亦聽許余時提婆心思佛  
記却問其子汝名云何荅曰我名羅  
睺羅多尊者曰天生佛記非我能爲



汝若出家必大果報。今時提婆即與  
出家。命諸大眾而與受戒。領行化導。  
游諸魔所。彼外道等第相謂曰。此所  
來者。當伏於我。各各用心而共持論。  
彼衆我寡。宜共齊力。今時提婆至。彼  
立已。手執一翻。其翻八尺竿長。丈二  
於彼而立。敬不移步。外曰。汝何不前。  
師曰。汝何不後。外曰。汝似賤者。師曰。汝似良



人外曰汝解何法師曰汝百不解外  
曰我欲得佛師曰我灼然得外曰汝  
不合得師曰无道我得非汝所知外  
曰汝既不知云何言得師曰爲汝我  
故所以不知我無我故自當得佛時  
諸外道咸相謂曰此大聖者而號提  
婆曾於我衆而久調伏宜可就彼宗



仰歸依于時外衆而悉敬伏又發大  
問一千九條尊者所荅悉不失地二  
五十衆咸坐道場對荅六疑而興百  
論得神通力周徧十方大建法幢摧  
邪顯正尔時提婆菩薩告羅睺羅多曰  
如來以大法眼付囑迦葉如是展轉  
乃至於我我今將此正法眼藏付囑  
於汝世尊記汝佛滅度後二五百年



中有大菩薩羅睺羅多汝宜傳授無  
令斷絕受吾教誨而聽偈言本對傳  
法人爲說解脫理於法實無證無終  
復無始今時羅睺羅多聞說此偈并  
付法已心生敬重而順教詔師付法  
竟即從坐起入奮迅定分身八布而  
歸寂滅時諸梵衆起塔供養用諸寶  
翻而縣其上細妙雜玲裝校嚴飾而



徧其處自此師滅度時當前漢第四  
主文帝十九年庚辰之歲入涅槃也  
第六祖羅睺羅多章取甘露品第二十  
今時羅睺羅多者迦毗羅國人也姓  
梵摩父名淨德本因樹耳有多願故  
若有智者為我解說知其往事我即  
恭敬迴向佛道不久之頃當遇提婆



而爲入定白其前事不辜宿願而便  
出家師將化緣游至魔所廣立其義  
手執勝幡足理堅觀口談千論心思  
萬義我宗生有之宗從立無爲之至理  
于時外魔崇敬伏至聖於迦毗顯揚  
具乘會萬機於香域然則不生不滅  
知者見者乃達於本原無去無來會  
者則方持於覺路是時羅睺羅多之



大士持法印而化迷徒六通以獲於  
前緣三明備陳於後聖故乃統領大  
衆至羅伐城中於彼城南而有一河  
名曰金水尔時羅睺羅多告大衆曰  
識此水不大衆曰非尊不才尊者曰  
此河之上近五百里有其至人應任  
於此衆曰尊何知之師曰吾嘗此水  
其味在上又見水中而有五影以顯



前事而在此相又佛記曰吾滅度後  
二五百中當有聖者僧迦難提而生  
羅伐於諸祖中次第十七尔時羅睺  
羅多說是語已領諸大衆尋水而上  
便作神力未到食頃而至彼所時彼  
尊者而入其定羅睺等衆共止一窟  
俟得三七日中方始出定尔時羅睺



羅多問僧伽難提曰汝身定耶汝心  
定耶僧伽難提曰我身心俱定羅睺  
羅多曰身心俱定何有出入僧伽難  
提曰雖有出入而不失定相如金在  
井如金出井在井出井世相去來若  
約金體都無動靜羅睺羅多曰若金  
在井若金出井金無動靜何物出井  
僧伽難提曰言金無動靜何物出井



許金出井金非動靜羅睺羅多曰若  
金在井出者何金若金出井在者何  
物僧伽難提曰金若出井在者非金  
金若在井出者非物羅睺羅多曰此  
義不然僧伽難提曰彼理非著羅睺  
羅多曰彼義當墮僧伽難提曰彼義  
已不成羅睺羅多曰彼義不成我義  
成矣僧伽難提曰我義雖成法非我



故羅睺羅多曰我義以成我無我故  
僧伽難提曰我無我故復成何義羅  
睺羅多曰我無我故成汝義僧伽  
難提曰仁者曾師何尊羅睺羅多曰  
提婆菩薩僧伽難提曰稽首提婆尊  
而出於仁者仁者無我故我欲師仁  
者羅睺羅多曰我已無我故汝須見



我我汝若師我故知我非我我今時  
僧伽難提聞師說法心意朗然稽首  
人者而歸依曰三界一明燈迴光而  
照我十方悉開朗如日虛空住今時  
僧伽難提稽首此語已右繞三匝而  
作是言三界諸苦衆願依師解脫稽  
首而作禮惟垂哀納我今時羅睺羅  
多曰汝心自在非我所繫何依何託



皆悉解脫。尔時羅睺羅多語已。即舉左手於虛空漸漸而長。手持金盃。用取齋食。不起于座。而至梵天。須臾之頃。却收左手。還于本座。而現鉢中所。有飲食。即命諸衆。而共同食。諸衆至已。皆不能食欲。擬食之心。即猷惡身。復戰慄。不可近執。尔時羅睺羅多告大衆曰。吾不讓汝。爲吾惜食。已命汝。



故悉不得食非我之咎汝自業故說  
此語已即命僧伽難提而分半座即  
共食之尔時大衆咸悉驚訝此是弟  
子云何命座而復共食非其禮也作  
是念已不敢發言尔時羅睺羅多知  
其宿命復有他心衆雖不言默然知  
矣乃告衆曰汝不得食皆由此故今



得食者非汝等故過去劫中娑羅王  
佛而當化度爲第十七有大神力多  
所饒益我滅度後此人度衆如殞伽  
河沙於摩提國又出一師名伽耶舍  
多汝等此衆曾爲聲聞當第八劫而  
事羅漢至獲其果到須陀含於彼終  
後而至吾所雖得近吾猶未見性汝  
宜迴心當禮此尊於我滅後而爲上



首亦時大衆聞師說已心生疑惑我  
師神力能取天食彼者非聖何當敬  
之亦時僧伽難提深知衆意而不敬  
伏即共尊者議佛在日世界平正無  
有埤阜一切江河悉皆潤美樹上甘  
露露露如縣珠食者安樂而無諸衰自  
佛入寂當近八百世界衰弱人多少  
信要假神力而爲勝負我即不作作



亦非難汝即不信信亦不易作是語  
已用其右手漸漸入地至金剛輪取  
少甘露却收手已還至會上而現甘  
露彼衆見已心生敬重師知敬已而  
用甘露分布一衆命令食之彼既食  
已身心安樂瞻奉尊者合掌敬禮介  
時羅睺羅多曰如來以法眼付囑迦



葉迦葉展轉相傳而至於我我今年  
朽枿不久留今將正法付囑於汝今  
時僧伽難提聞師付囑心生敬慕而  
問師曰法有證不有取捨不有有無  
不有內外不尊者慈造而爲解說今  
時羅睺羅多以偈答曰於法實無證  
不取亦不離法非有無相內外云何  
起今時僧伽難提聞師說偈歎言善



哉大聖者心明如日月一光照世界  
暗魔無不滅讚尊者已受教奉行  
時羅睺羅多付法已竟即於座上全  
身入定天衆散花而來供養時當此  
土前漢第六主武帝十年戊辰之歲  
入涅槃也

第十七祖僧伽難提章辯金河品第三  
今時僧伽難提者羅伐人也昔居此



城南有一大河此河名金水於此河  
向上而行五百里有二大石窟僧伽  
難提而處一窟中常樂修禪定此師  
過去劫而號娑羅王次生此國土而  
誕刹利家名僧伽難提父名寶莊嚴  
母號芬陀利亦生而解語分明曉了  
之而爲母說法化令入佛道國有一



大師善明諸典誥能辯先世事一國  
悉知聞今時剎利王有詔命師對師  
至王宮殿當居一寶座王問此太子  
有何因緣故纔生未一歲而能解言  
語兼會諸佛義化母而入道師善知  
往事請爲我決烈今時大師告父王  
曰今此太子年經七歲而寤佛道後  
學禪定而止一窟處于金河當遇聖



者而獲道果。今時父王告大師曰：「今此太子先世之中而居何位？」大師曰：「先世之中而處聖位，有迎化衆號娑羅王。」今時父王思念前事，我此太子是吾之寶，當捨出家報何薄祐。今時太子已七歲，而白父言稽首大慈父和南骨血。母我今欲出家，幸願哀憐。故今時父王及其親母聞辭出家至。



不聽許又苦求父及求其母云不聽  
出家我與父母情已斷絕今時父母  
即聽出家乃命一僧名禪利多請入  
宮中而與度脫在彼宮內一十九年  
方命衆僧而爲受戒於一靜夜當自  
念言我名出家元處于舍年二十六  
曾不近聖即於此夜天有光明是聖



感故非其月也忽見一路蕩蕩而直  
亦無別衆又於面前有一大山太子  
即尋其路至彼山所須臾之頃其天  
似明太子在山處一石窟而習禪定  
今時父王至於天明不見太子僧利  
多而被擯出諸處追求而悉不獲在  
彼石室身心安樂而經十年小小衛  
衆還有三五而近學道今時僧伽難



提於窟而出面北觀望忽見一瑞而  
喜曰天生聖者不久屆此佛大慈故  
而度脫我即令衛者而淨前窟不久  
之頃大聖當至汝可速疾而淨道場  
不久須臾而至尔時僧伽難提纔此  
語已即入禪定經于二七尔時羅睺  
羅多游行國土至彼羅伐而見金河  
迴告衆曰識此水不衆曰唯尊能辯



羅睺羅多曰此河之上五百里來有一智者而入禪定衆曰師何辯之師曰吾嘗此水其味在上并現其影影有五運當視此相今時尊者說此語已便作神力須臾之頃至於彼所時僧伽難提而入其定羅睺羅多衆等共止一室候至二七日中方乃出定



尊者相見持論如上佛記僧伽難提  
吾滅度後二五百年中當有聖者生  
羅伐城於諸祖中次第十七此二尊  
者各現神力用發衆意而取天饌共  
會同食無威德者悉不敢近衆見師  
命難提尊者分座共食咸悉不敬難  
提知已即低右手入地徐徐至金剛  
際而取地味舉衆得食悉皆安樂彼



衆見已心即敬伏食甘露已悉得解  
脫今時僧伽難提得付法已離彼國  
土又化他境名曰摩提羅昧記云吾  
化大衆如殍伽河沙從吾之後於摩  
提國又出一師伽耶舍多吾與汝等  
同尋此聖而必知識如是行已教化大  
衆忽於一日而有微風從西而來尊  
者面西而候其事乃告大衆汝等衆



人識此風不衆曰聖智非惻尊者曰  
今此風者名曰道風從此西至三千  
餘里而有聖者欲出現世先淨國土  
而生其風今此風者不同天風龍風  
神風鬼風阿修羅風不同諸百風名  
曰道風亦名淨土風此風和涼不損  
一切雖入大海不作諸浪雖入林木不



動枝葉所有疾病遇此風者皆得痊  
退所有諸業懺不消者遇此風故皆  
得除滅所有習學心不通者遇此風  
故心即朗暢而會其理尊者言已即  
命大衆西尋聖者而化導之即作神  
通舉衆皆攝未至食頃到一大山山  
上有蓋如寶落迦尊者曰此是聖所  
聖亦止此言猶未訖見一俗舍枕於



此山除此一家餘無別止是時尊者  
至彼舍宅云此雙歇聖猶未久忽見  
一子手執銅鏡而至師所尊者曰子  
幾歲耶子曰我當百歲是時尊者見  
荅百歲覆而問曰汝當無知看甚幼  
小荅吾百歲非其理也子曰我不會理  
正當百歲尊者曰子善機耶子曰佛  
偈云若人生百歲不會諸佛機未若



生一日而得決了之時尊者敬之深  
知是聖又致問曰汝執此鏡意況如  
何尔時童子以偈荅諸佛大圓鏡內  
外無瑕翳兩人得同見心眼皆相似  
時彼舍父母見子奇異欲令出家尊  
者遇之而為度脫父母捨已即領游  
化至一古寺而為受戒名曰伽耶舍



多於彼殿上有一銅鈴被風搖響尊者問子曰彼鈴鳴耶彼銅鳴耶子曰我心鳴也非風銅鈴耳尊者曰非風銅鈴我心誰耳子曰俱寂靜故非三昧耶尊者曰善哉真比丘善會諸佛理善說諸法要善識諸佛義又告曰如來以大法眼付囑迦葉如是展轉乃至於我我今將此正法眼藏付囑



於汝汝當護持無令斷絕汝受吾偈  
當行化之偈曰心地本無生因種從  
緣起緣種不相妨花果亦復尔尔時  
伽耶舍多聞師說偈及受法藏心生  
敬重頂戴受持尔時僧伽難提付法  
已竟即離本座至樹下立而舉左手  
把其樹枝尋即化度而歸空寂是時  
大衆咸作是言今此聖者樹下而終



當於後世而必滋茂。今時大衆即散  
瓔珞塗香。秣香燒香。供養復共焚爇。  
而起塔廟。分布舍利。咸資大衆。衆取  
舍利。欲於平地而起一塔。在於樹側。  
衆不能移。及諸大衆盡其神力。如須  
彌山。不可傾動。即就本處而致供養。  
復天花。諸梵天衆。而雨寶衣。用散塔。



處時當此土前漢第七主昭帝十年  
辛酉之歲入沮縣也

寶林傳卷第三

